

نخيل نيوز

أصالة تهدي بلادها أغنية وتوجه رسالة مؤثرة للسوريين



نخيل نيوز / متابعة

أصدرت المطربة السورية أصالة، أمس الأربعاء، أغنية جديدة أهدتها لوطنها سوريا، ووجهت رسالة مؤثرة للسوريين عن الحب وضرورة التسامح، وتجاوز جراح الماضي، عبر حسابها الرسمي على إنستغرام.

وكتبت أصالة، بلهجتها السورية - الشامية: "مشاعر مختلطة كلها قوية، خوف أولاً من إنه ينسى الواحد فينا شو كنا وشو أصلنا.. نحننا كل أهل سوريا بنشبه أهل الحارة اللي بكل العالم ما في من هيك حارة، الناس فيها مخلوطين من ديانات مختلفة، وثقافات مختلفة، وبساطة، وشهامة، ومحبة، وتسامح، وتسامح، وتسامح، وما في شي حيخيلنا نتجاوز، ونكبر، ونحقق، ونعلا غير التسامح، ومارح نقول مو وقتها لسه الجرح طازة!".

وأضافت: "رح نقول نحننا أهل سوريا العظيمة الطيبة، سوريا التاريخ اللي بيعشقها شعبها، ودفعت دمه فداها، ما بدنا نكمل مشوار كله دم، وكله قهر، وبيرجعنا أكثر، وبيقهرنا أكثر. لأننا بالآخر هون عنا أهل وحبائب، وهون عنا أهل وحبائب، وبدنا نتوحد، وبدنا نعمر هالبلد الحلوة اللي ما في أحلى من ترابها، وشجرها، وبيوتها، وأهلها الطيبين الحناين".

وتابعت مغنية "قد الحروف" بكلمات تسعى من خلالها لبث الأمل في نفوس السوريين: "راهننت وبراهن على نجاحنا، وإنه الوجع وقف وإنه، الفرقة وقفت. ومن هون رح نبدي مارح نتطالع عالماضي، وكل واحد فينا رح يعمل شغله، ورح نتأمل خير ورح نتطالع بالله، ورح نترجاه مابقى بدنا وجع، بدنا كلنا نكمل بعض بدنا سوريا تلحق، وتعمّر، وتكمّل وتسبق بدنا سوريا مافيها ظلم، مافيها خوف، فيها الياسمين بيغوى، وشجر الحور عم يطول، ونزرع نرجع شجر من القهر ما كأنه مات قدّ ما هوّه انتحر..".

ونشرت أصالة مع رسالتها للسوريين، مقطع فيديو لأغنيتها الجديدة "سوريا جنة"، من كلمات بتول زيدان ويارا أحمد، ولحن وتوزيع : علي حسون.